


Australia ke rasta pe ke jeneral gāid

palmscheme.gov.au


Australia ke rasta ke kanūn aur Pesafik desh aur Timor-Leste se alag he. Australia me ḍraevin kare se pahile dheyan rakhna ki āp ke pās abhi la ḍraevin laesan he. Āp i bhi chek kar lena ki āp ke laesan Australia ke u eria me sake istamāl hoe he jaha āp ḍraevin karega.



ṬREFIK LĀIṬZ

Australia ke ṭrefik lāiṭz sistām me tīn baṭṭi he:

- **lāl** ke matlab he āp ke ruke ke paḍi.
- **piyar** ke matlab he āp ke ruke ke paḍi. Āp piyar baṭṭi me wahi samae jāe sakta he agar āp 'stop' lāin se pahile surakchit rakam se ruke nai sakta he. Āp achanak se ruke nai sakta he aur jōr se chālae nai sakta he piyar baṭṭi ke kros kare ke khatin.
- **grin** ke matlab he āp inṭasekshan se jāe sakta he agar surakchit rahe.



RAUNABAUṬ

- Raunabauṭ ek gola inṭasekshan he jaha ek bich me āelan ke lori moṭar ek disha me chale he.
- Raunabauṭ pe āp mango dhire chalao aur sab lori moṭar jon āp ke rait sāid se āwe he ulong ke mauka do jāe ke.




SPĪḌ LIMIT

- I bahut jarūri he ki spīḍ limit ke sain pe dheyan do.
- Spīḍ limit se jada jor nai chalana. I sab se jada spīḍ he jon āp ke mauka he chalaе ke.
- Skūl la aria me din ke kuch samae pe aur kamti spīḍ limit rahe he jab laḍkan skūl me rahe he.
- Spīḍ limit se jor chalana kanūn ke khilaf he aur āp ke fāin sake hoe.



SĪṬ BELṬZ

- Sab ḍraiva aur pasenja long mango sīt belṭ pahino.
- Apan moṭar ke safar suru kare se pahile, dheyan dena ki āp ke sīt belṭ accha se fiṭ hoege he aur surakcha se bandhaege he.
- Laḍkan jon ek umar, kad aur wajan se niche he mango ulong ek apruvḍ moṭar la sīt me baiṭho.
- Ḍraiva ke sake bahut baḍa rakam ke fāin mile bhare ke agar moṭar me koi bhi sīt belṭ nai pahine he.



MOBAEL FAUN

- jab āp draevin karta he, āp ke faun uṭhae ke ya hath me leke istamal kare ke ijazat nai he.
- Mobael faun ke apan godi me rakhna bhi kanun ke khilaf he.
- Kafi gaḍi ke durghaṭna i karan se hoe he ki draeva ke dheyan bhatak gae raha apan mobael faun dekhe ke karan.

ḌRAGZ AUR ḌARU

- Agar āp ḍragz ya ḍaru pi ke draevin karta he to i āp ke aur dusra log ke khatin bhi khatarnāk he.
- Agar āp apan khūn me 0.05% se jada ḍaru ke matra me draevin karta he to āp kanun ke ṭuḍṭa he. I lagbhag dui ṣṭendaḍ ḍrink he.
- āp ke bahut bhari fāin hoe sake he aur āp apan laesan khoe sakta he.

THAKĀI

- Agar āp thakāi me draevin karta he to i bahut khatarnāk he.
- Agar āp draevin kare la ṭaem jamai leta he ya ākhi band karta he to āp mango ruk ke reṣṭ karo.
- Khiyal rakhna ki āp accha se reṣṭ kar liya he draevin kare se pahile.
- Tin ghanṭa se jāda draevin nai karna bina reṣṭ kare.

Dheyan rakhna ki Aštrelija me draevin āp ke desh se alag rahi. Apne āp ke aur apan pasenjas ke rasta pe surakchit rakhna Aštrelija ke rasta ke kanūn ke palan kar ke.

KARAMCHĀRILOG KE KHATIN ṬRAENIN UPLABD HE

Agar āp Pesifik Aštrelija Laiba Mobiliti (PALM) skīm me karamchāri he, to āp ke draiva la ṭrainin sake mile.

I ṭrainin PALM skīm ke skilz Ḍevelopmen Progreem ke hissa he.

Aur jānkari ke khatin ki āp kon ṭraenin kare sakta he apan boss se bāt karo.

AUR SAHARA

PALM skīm websāit pe aur jānkari uplabd he āp ke Aštrelija me draevin ke sahaeta ke khatin.

Āp ke bōs āp ke sawāl ke jawab de me maddat sake kare. Agar āp ke bōs āpke maddat nai sake kare, to āp sakta he:

- PALM skīm sapōṭ sebis ke kol karo (1800 51 51 31) sebis lāin pe.
- imail karo (palm@dewr.gov.au) 8:30 am and 6:30 pm AEST ke bich me.

Agar koi bhāri samasya he, plīs sapōṭ lāin pe kol karo koi bhi samae din ya rāt me.